

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
Služba za upravu poljoprivrede,  
vodoprivrede i komunalnih poslova



Broj:08-19-1008/21  
Dana:15.04.2021. godine

Na osnovu člana 17. Zakona o korištenju, upravljanju i održavanju zajedničkih dijelova i uređaja zgrade („Službene novine Zeničko-dobojskog kantona“ broj:4/2016), Služba za upravu poljoprivrede, vodoprivrede i komunalnih poslova raspisuje

## JAVNI POZIV

### I PREDMET JAVNOG POZIVA

Predmet Javnog poziva je prikupljanje prijava kandidata koji su zainteresirani za obavljanje poslova prinudnog predstavnika etažnih vlasnika. Služba za upravu poljoprivrede, vodoprivrede i komunalnih poslova na osnovu rezultata provedenog Javnog poziva utvrđuje Listu kandidata koji mogu obavljati poslove prinudnog predstavnika etažnih vlasnika.

Sa utvrđene Liste kandidata Služba za upravu poljoprivrede, vodoprivrede i komunalnih poslova donosi rješenje o određivanju prinudnog predstavnika etažnih vlasnika za zgradu za koju utvrdi da nije izabran predstavnik etažnih vlasnika u skladu sa Zakonom i podzakonskim aktima, kada predstavnik etažnih vlasnika odustane od obavljanja poslova predstavnika etažnih vlasnika i u slučaju kada ranije određeni prinudni predstavnik etažnih vlasnika, bude brisan sa Liste kandidata.

Sa utvrđene Liste kandidata etažni vlasnici imaju mogućnost da izvrše izbor predstavnika etažnih vlasnika, ukoliko iz određenih razloga ne izvrše izbor predstavnika etažnih vlasnika iz reda etažnih vlasnika same zgrade.

### II UVJETI KOJE MORA ISPUNJAVATI FIZIČKO LICE ZA OBAVLJANJE POSLOVA PRINUDNOG PREDSTAVNIKA ETAŽNIH VLASNIKA

#### 1.Opći uvjeti:

- a) da je državljanin Bosne i Hercegovine,
- b) da ima prijavljeno prebivalište na području općine Zavidovići,
- c) da je punoljetno i nije starije od 65 godina,
- d) da ima prebivalište na području općine Zavidovići,
- e) da nije obuhvaćeno odredbama člana IX.1.Ustava Bosne i Hercegovine.

#### 2.Posebni uvjeti:

- a) da ima završen najmanje III stepen stručne spreme,
- b) da nije zaposlenik kod upravitelja,

Uz prijavu potrebno je priložiti slijedeće dokaze o ispunjavanju općih i posebnih uvjeta:

1. izjavu ovjerenu od strane nadležnog općinskog organa uprave da nije obuhvaćen odredbama člana IX.1. Ustava Bosne i Hercegovine,
2. ovjerenu kopiju diplome o školskoj spremi,
3. izjavu ovjerenu od strane nadležnog općinskog organa uprave da nije zaposlenik kod upravitelja,
4. ovjerenu i potpisanu izjavu o saglasnosti da se na Listi kandidata javno objave njegovi lični podaci i to: prezime, ime oca i ime, adresa stanovanja i kontakt telefon.
5. potvrda o mjestu prebivališta - Cips-ova prijava.

### III NAČIN DOSTAVLJANJA PRIJAVA

Prijavu za Javni poziv treba dostaviti na pisarnicu općine Zavidovići ili putem pošte na adresu Općina Zavidovići, Ul Safvet bega Bašagića» u zapečaćenoj koverti sa naznakom „Prijavu za Javni poziv za utvrđivanje liste prinudnih predstavnika etažnih vlasnika- NE OTVARAJ-OTVARA KOMISIJA.

Na poleđini koverta napisati ime i prezime podnosioca prijave, adresu i broj telefona.

Rok za prijavu po javnom pozivu je 30 dana od dana objave na oglasnoj tabli Općine Zavidovići. Nepotpune i neblagovremene prijave neće se uzeti u razmatranje.

Postupak javnog poziva provodi komisija koju imenuje Općinski načelnik. Komisija će u roku od 15 dana od dana isteka roka za prijavu na Javni poziv sačiniti listu prinudnih predstavnika etažnih vlasnika koji ispunjavaju uslove za obavljanje poslova predstavnika etažnih vlasnika na području općine Zavidovići.

Lista prinudnih predstavnika etažnih vlasnika biće objavljena na oglasnoj tabli općine Zavidovići i službenoj web stranici Općine Zavidovići.

Za sve dodatne informacije zainteresirani kandidati mogu se obratiti Službi za upravu poljoprivrede, vodoprivrede i komunalnih poslova, kancelarija 215 od 07-15,30 sati.

POMOĆNIK NAČELNIKA

Izet Bašić dipl.ing.agr.